

Theater 1987 : Paltong, Box an Hiem

vum Josy Christen

20.01.1988 : Generalprouf

Pünktlech fir d'Generalprouf war de Rido (esou wäit) fäerdeg. Nomëttes gouf nach dru geschafft, nei Schinnen agesat a frësch opgehaang. E puer Comitësmembren haten sech afond, fir bei der Generalprouf derbäi ze sinn. Fehler a kleng Mësselen goufe festgestallt an no der Prouf duerchdiskutiert.

De Wies Arsène hat eng Schossel Fuesend matbruecht, déi allen gutt geschmaacht huet. Wéi ëmmer geet een mat méi oder manner gudde Gefiller an déi éischt Opféierung eran.

23., 24. an 30. Januar 1988 :
Theaterowender

Déi zwee Samschdeger waren ausverkaaft, om Sonndeg ware nach e puer Plaze fräi.

Dräimol goug dem Josy Christen säi Stéck « Paltong, Box an Hiem » iwwert d'Bühn, et gouf vill gelaacht a vill geklappt. Geklappt gouf och esou guer, wéi de Jean-Paul den éischte Samschdeg hänke blouf a vum Laachen a Klappen am Sall d'Dittchen an der Flüsterkëscht net héieren huet.

D'Leit waren es zefridden, d'Akteure waren opgedréit. Den zweeten an den drëtten Owend gouf am Keller virun der Opféierung gesongen, dat et nëmmen esou geschaalt huet. Et konnt een sech nëmme wonneren, dass d'Akteuren herno op der Bühn net heess waren.

Och beim Comptoir an an der Tombola ass d'Saach gerutscht, sou dass mer finanziell gutt ofgeschloss hunn : Boni vu ronn 48 000.- Frang.

Dee leschte Samschdeg hunn dann eis Akteuren nom Theater gefeiert : beim Bouler huet de Veräin hinnen eng Hameschmier offréiert. 't goug bis an de fréie Muergen eran (wéi eenzelner ze verziele woussten).

d'Wiisser Leit
invitéiren Iech op hir

Theaterowender
am Festsall vun der Altwiisser Schoul.

Programm:

**Paltong
Box an
Hiem**
vum Josy Christen

Et spillen:
Harco Putz (Putty Eilebecker)
Colette Schuster (Louise Eilebecker)
Lily Maeder (Justine Fairstein)
Jean-Paul Renckens (Hängche Peffermeyer)
Eugénie Renckens (Emmel Peffermeyer)
Claudine Muller (Yolande Dunoulin)
Arsène Wies (de Richter)
Ali Klennan (den Affektor Hubert)
Jean-Claude Gilbertz (Schreier)

Et flüstert: Catherine Roger
Et schmaikt: Michel Raguet

Régie: Marlène Schmitz


Musel eis eis seléint vum
Schriiner Fuhl vun Altwiisse

→ Samschdes, den 23. ←
→ Sonndes, de 24. ←
→ Samschdes, den 30. Januar 1988 ←

Entrée: 100.- (Kanner 50.-)

→ Keess 19.30 Auer

Rido: 20.00 Auer ←



Reservéiert w.e.gl. um Telefon 675 09 (Hein G.)